

清道金氏派譜序

夫族之有譜所以惇親講睦也程夫子曰收宗族厚風俗眉蘓氏云孝悌之心油然而生此皆以孝悌爲宗族敦睦之本領豈徒爲昭載先系後承而已哉譜之修不修實有關於世教之興廢而與國之史家之乘其揆一也烏不重且大焉蓋吾金厥初之生自鷄林大輔公至新羅敬順王王之以上二十七世以下八世而以清道爲籍自高麗平章事封鰲山君謚英憲公始是爲受貫之祖道德勲業炳輝竹帛繼而元貞舍人二公克世趾美八本朝叅贊胡剛公筭仰房孫主簿公戊午禍遯寓湖南之長沙是生諱宥亨以學行贈吏曹叅判寔爲茂長分派之祖自後文蔭生進之榮名忠孝文學之功業已悉於誌狀秉筆者之著述不必累疊而子姓蕃衍散居列邑可驗其源深故其流也遠其根厚故其枝也茂

先蔭報施之理固如是歟統成大譜凡五度而創於 元陵丁卯
者多有闕誤丙戌譜之旋修良以此也三日癸巳吾曾祖沙軒公
以校讐役數年勞苦興疾而歸考終于家祖考羅湖公曳衰竣功
爲後孫餘憾當何如哉四曰壬辰故族兄掌令霞石公之奕世懿
德足爲同黨之矜式者多矣倡議設譜而終至不諧顧吾同派孰
無滄海遺珠之歎耶五曰甲子霞石公之次胤近容終始詢謀乃
克成編可謂遂其繼述之願猗與休哉然僉議多歧頒秩不均且
卷秩浩漫猶欠便覽庸是病焉今距甲子曾不幾年而派譜之議
所由起也相是役者舍弟秀豐族弟秀漢秀謙族姪近容屬余以
弁卷之文曰吾族之歌哭於斯以其年則十五世近矣以其數則
幾百員餘矣惟以叅判公脚下乃修派譜數焉尊閣下上各知來
處則今之小成不讓於昔之大同斯豈非國有史乘之義耶願另

圖之余不敢以不文辭默然良久曰竊有一言可諗者勿以是役
謂能事已畢焉昔我英憲公以盾頭詩忠孝可雙修之句立基礎
樹勲業爲其雲仍而體此義服諸膺父詔其子兄戒其弟互相警
勵無忝所生則雙修二字將爲千百行之修其於敦睦之道庶或
有小補諸宗盍各勉旃

壬申三月旣望後孫秀益謹叙

清道金氏茂長派譜

一世

始

祖諱之岱

初諱仲龍高麗高宗己卯登文科官至金紫光祿大夫中書侍郎平章事致仕封鰲山君元宗丙寅卒享年七十七墓清道郡南大峴山癸坐謚英憲德正應和曰其行善可紀曰

憲肅廟甲申享兩溪書院

正廟庚戌始尋墓有碣

二世

善莊

監察御史忠憲王時有功陞本縣知縣事見輿地勝覽人物門

三世

得齊

金紫光祿大夫門下致仕

日齊

四世

得齊
福基

號梅竹堂奉節門祗候

五世

跋

人家有族必有派派譜譜其派也古者無譜惟世系是傳至有宋始有修族之譜迄于我東名門巨家莫不致力於斯而必以大同或修私派博約雖殊其義則一也竊惟吾金之貫清道者爰自丁卯始修之譜而丁卯爲多踈漏此丙戌所以旋修也自丙戌而癸巳而壬辰而至于甲子皆以大同湊合而以言乎壬辰則時余伯父掌令公覲鄉休暇有志於修譜各省僉宗庶乎響應間因收議不諧余家停單良有由也吁亦可歎甲子春余以無似猥忝離校之列辭不獲往叅而基年功告訖夫豈偶然哉所可咄者中間詢議多稷頒秩未均實爲欠事歲辛未秋宗會席僉曰旣往莫追屢修大同又譜私派則廣考便覽各從其宜盍勉乎茲於是衆論無貳自吏叅公諱宥亨後三派尅日收單次以各家先德文幾篇而

財不求多寬其力也規不致煩從其便也月至六克成編噫叔季
以降俗習日渝惇宗講族之義孰如派其派而譜其譜乎仍念人
家有譜譬如國之有史有乘乘全一國史合諸國則今吾之譜可
謂二者得兼猗歟幸哉茲敢不揆僭妄略書顛末俾徵異日奉覽
者之心目云爾

壬申孟夏上澣後孫桂容謹跋